

房縣志卷六

兵政

易萃君子以除戎器戒不虞夫萃者聚也當人心萃聚之時宜若可以弛武備而不脩矣然治不可忘亂安不可忘危治兵講武正息兵偃武之機也房地遼闊舊爲巴山老林奸匪嘯聚之所今酒澗日久山寇斂迹比年邊氛未靖恐奸宄乘間竊發則防堵尤在所必嚴觀於箭亭之碑

聖訓煌煌則戎器之除不虞之戒可泄泄乎志兵政

房縣志

卷六

兵政

明設官正千戶五員副千戶十一員百戶十四員鎮撫一員吏目一員旗軍六百七十六名

軍器局在縣西南歲造軍器一千九百四十件 明嘉靖

中因大理母德純論此改爲書院移局於署內

國朝不用旗軍歸併襄陽衛除荒徵熟與民一例惟輪守東西北三門時其啟閉而已每徵收令屯軍解赴衛所縣令沈用將恤其遠輸之艱詳請於縣堂設櫃衛有司守屯戶自封投入夏秋彙解士民稱便

順治五年房縣營參將移駐均州爲均房營設左右二營

參將一員左營守備一員千
總二員把總四員駐均州 左營守備一員千總二員

把總四員駐房縣共兵一千二百名

十年改設均房協

康熙七年仍改均房參將營

十七年會勦楊逆鄭襄制院楊懋勳奏房為要地非大
將不足以彈壓非重兵不足以守禦請開鎮設總兵一
員立左右二營城守三營設兵三千名

二十年賊平裁廢仍改均房參將營官弁額兵俱照常
是年起至四十五年止陸續裁汰實存兵九百六十名

房縣志

卷六

兵政

二

雍正七年撥駐房守備千把總七員兵二百一十名赴湖

南永保營均州守備改為中軍守備並左營千總一員

把總二員移駐房縣改為右哨均州千總改為左哨是年奉文設

外委千把總六員分佈均房兩汛

八年添募兵丁一百名共兵八百五十名

乾隆十五年奉文整飭三楚營制在房縣汛額兵內裁五
名撥赴隨州實存兵八百四十五名

二十七年奉文添設額額外委三員在馬兵數內考拔
裁汰馬兵三名

四十六年奉 部議裁養廉兵八十三名公費兵二十

五名實存兵七百三十七名內註房汎兵三百名註均州兵

四百三十七名

嘉慶二年奉文添募新兵二百名內駐房汎兵九十名均駐

州兵二百十名

六年總督吳奏以教匪出沒川陝楚三省房爲要地非

多兵不足以爲守禦請改均房營爲房保營歸鄖鎮左

營設遊擊一員守備三員千總四員把總六員外額十

六員原設兵五百一十三名新添兵五百八十八名共

房縣志

卷六

兵政

三

兵一千一百零一名半戍房城半戍保康上龕兩汎

道光十一年奉文裁兵二十二名

二十一年奉文裁兵七名

咸豐七年冬並八年春兩次奉文裁馬戰守兵一百一十

二名實存兵九百六十名內房縣汎馬戰守兵四百九

十四名分防上龕汎兵二百零四名保康汎兵二百六

十二名

鄖鎮左營額設塘汎五十塘內房縣汎管理三十三塘詳

塘汎

附劉作霖進取房陵五議

竊以輒筮一隅亦

國家之封疆鶉菴子遺皆

朝廷之赤子况今正朔相承奄有四海三十年來尺地莫非有一民莫非臣矣自吳逆不軌狡焉啟疆侵犯我土宇蹂躪我人民此固不共戴天者也惟我鄭襄夙屬內地無端穀城鎮楊來嘉鄭協洪福竹山營謝泗聞風倡亂乘勢煽民蠢茲小寇負固房竹向以鄭提一路之兵未議進剿雖有大兵緣山路崎嶇馬難深入兼以川寇

房縣志

卷六

兵政

四

譚宏犯我城下無暇遠及自憲臺奉

命秉鉞以來三軍合勇一戰成功川逆望氣而魂銷房賊聞風而胆落意謂房保二竹指日蕩平難民屢見投誠洪謝幾欲納款養精蓄銳又已年餘迄今四邑殘黎終淪落以附逆黨千里沃野借寇兵以資盜糧再四思之未見其可也竊爲指陳之論者不過曰戰守難兼也逆賊現居上流春水泛漲瞬息可至倘分兵遠出賊艘蔽江勢難分顧郡邑爲重其如城守何職以爲制提兩標兵丁共六千六百今議出戰亦止三千竹谿營駐劄節

西陸路竹山營堵截金漆潦水路賊豈能飛越乎卽長
驅直下可從容保固而無虞矣又不過曰勝負未決也
賊兵三千我如數以攻之未必能克彼以逸待勞萬一
相持可奈何職以爲均州南漳俱有制兵三路夾攻數
倍於彼彼不能支况賊兵雖有三千北人居其半百姓
居其半从欲逃歸無人接引聞我兵進勦賊必離散欲
令應敵則恐其來降欲留守則懼其內變乘此而進則
攻無不克戰無不勝矣又不過曰兵糧不繼也南漕之
運挂欠三月坐以待食豈能枵腹而戰乎職以爲兵糧

雖欠三月今將弁皆有才能移緩就急未嘗乏食坐以
待食則戰與守等况春水消釋撥運自足無庸更慮矣
又不過曰軍糈難運也昔日進勦西山運夫派至數萬
本省幾府河南幾縣尙苦不足談何容易職以爲一路
三千日食亦僅三千鄭陽之米雇覓小舡運至磬口起
早派驢一百五十頭每日五十頭分爲三運且河南南
陽協濟百五十頭再撥兵二三百名安設數塘旣可以
護送又可以轉運昔年曾用此法不可行之於今乎况
賊今分田墾土秋麥一熟賊種皆爲我有磬口一通竹

山一帶歸我版圖又可以助一半之運事也又不過曰
進勦易恢復亦易所慮者守耳守則必須留兵留多則
運道艱難留少則單弱不足倚恃如之何職以爲房縣
原有房竹營駐劄保康二竹亦有路將今不妨加之以
兵馬設之以重鎮則鄖襄均州俱爲腹裏一轉易間何
難以彼易此凡此者在他人則難言之何也將士出而
力諸原有司入而謀之室不將難與之同乎夫鄖城文
武素稱協心兵民合爲一職與各將每談及此莫不怒
目豎眉揚拳抵掌以是知人心之可用也職與二三寮

友盡心竭力除催運糧餉外仍願左執鞭弭右奉橐鞬
日與諸將士追隨行伍冒矢石而衝鋒鏑所不敢辭大
兵一臨威聲先振職將遣一介之使鼓三寸之舌約洪
謝兩逆於兩陣之間陳利害示榮辱導以安危如投骨
於狗一呼卽至洪謝一解則來嘉之勢孤不降卽走職
籌之熟矣萬一不然賊兵見今屯種我兵坐守飽食終
日何不裏數日之餒饑出大木廠均州或出馬嘶山播
鼓臺南潭或應出某處分兵以擾之使賊進不能耕退
不能守是亦困之之一道也賊困則江南田地盡爲我

有便可復業而播種矣所資於地利者不少也管見如
斯不知有當於憲裁否

房縣志

卷六

兵政

又七

輸將

輸將者民之奉公也禹貢曰百里納總二百里納銍三百里納秸四百里粟五百里米原因地制宜猶是維正之供也賦稅詳言之矣若夫納粟從軍不假催科而踴躍從事一聞示諭而囊橐啟行雖小民急公報効之忱亦以徵我

國家深仁厚澤有以感發所致也志輸將

咸豐六年十二月常道憲勦捕襄匪在濫石窖打仗兵馬駐紮下店子茅坪地方一路房宇多被賊燬生員劉元

房縣志

卷六

輸將

一接七

棟邀同戶隣壺漿以迎常憲當諭元棟穀城武生許瑞廷勸捐軍糧隨營接濟局設顯聖殿收存發運棟又轉諭生員劉鴻量等在黃龍堰設局勸輸就近解營又諭拔貢吳昶在汪家河設局勸輸就近解營又着長子廩生劉宗郁同貢生任鴻鑿生員吳之俊往大木廠勸輸就近解營共勸輸房縣市斗米一千三百七十餘石除自行解運及未收到外共收米六百八十六石四斗上解竹山下運荆門州武安堰等處以及巴將軍在廟灘收米二十一石解交襄陽羅道憲米五十餘石竹山協

巫追賊至磬口用米十石共解交米五百七十四石所有捐輸辦公名目列後

中書陳文藻慨輸米四百石自央生員何翹材押運解營米二百石師撤而止

前任江西沿山衛千總丁化南自行解運米二十石赴大營

監生張自省自行解運米二十七石六斗赴大營先送米二石四斗九局

訓導廩貢彭鏡蓉樂輸米七十石以下俱係送局

房縣志

卷六

輸將

附貢朱 輅樂輸米六十石

譚家茂樂輸米二十五石

杜善恩樂輸米二十四石

例貢張維新樂輸米十二石

例貢許自脩樂輸米十六石

監生趙鴻翥樂輸米十八石

監生趙國斌樂輸米十八石

縣丞張自祿樂輸米十八石

監生張自微樂輸米十二石

監生劉元策樂輸米十石

從九劉宗禮樂輸米十石

從九劉向傳樂輸米十石

生員宋國禎樂輸米十石

監生袁祥恕樂輸米十石

州判吳昶樂輸米十石

其餘未及十石者未便悉載

總局辦事名目

生員劉元棟

四川西陽州州判拔貢吳昶

房縣志

卷六

輸將

三

生員吳崇光

武生龍海瑞

廩生譚席珍

生員劉宗賢

童生劉宗叙

童生劉向治

童生宋德宏

現辦甘肅軍務候選縣丞劉向閣

化龍堰局

生員任成錦

生員劉鴻量

生員劉魁甲

汪家河局

生員汪以墀

生員吳詠

現辦四川軍需候選汪立鏞

大木廠局

廩生劉宗郁

生員吳之俊

武舉劉元瀚

武生劉宗貴

貢生任鴻銓

輪流運糧名目

穀城武生許瑞廷

武童劉宗璉

武童劉宗柳

戶書王勝任

武童劉宗相

穀城雷占魁

房縣志

卷六

輪將

四接事紀

武童劉宗麒

武童劉宗恕

武童劉宗祥

刑書陳大年

劉向閔

竹山屈純善

穀城從九陳子敬

七年正月大木廠局經委員州判沈亨辦理所有捐戶

不得其詳

七年二月秦口等處委員湖南醴陵失守知縣栗國華辦

理所有捐戶不得其詳

常憲在武安堰俱賞功牌有差未經達部未便悉載

事紀

志以紀事爲義事無巨細皆不可遺以信今而傳後有各從其類者則宜分門以別之有兼綜條貫者則宜表年叙世以統之庶不致紛錯無緒房雖今降爲縣然實古之建國也其事之散見諸史有不可分析者斷自唐虞以下叙次紀之志事紀

唐堯一百年帝陟於陶帝子丹朱避舜於房陵舜讓弗克遂封於房爲虞賓是爲房子國

虞帝肇十有二州置梁州牧房梁州屬也

房縣志

卷六

事紀

七

夏禹貢爲荆豫二州之域

周文王化行江漢是爲召南

周頃王四年春楚子伐麋成大心敗麋師於防渚

周景王三十四年楚子遷房於荆山

秦始皇九年秋九月長信侯嫪毐反使昌平君昌文君發卒攻毐毐敗走獲之夷三族黨與皆車裂罪輕者爲鬼薪遷蜀四千餘家居房陵

十九年使王翦伐趙取邯鄲地虜王遷徙於房陵

三十六年郡縣天下房陵隸漢中郡

漢高帝九年廢趙王敖於房陵

漢武帝建元三年濟川王明坐殺中尉遷房陵

漢宣帝地節四年清河王年坐內亂遷房陵

漢獻帝建安二十四年劉備遣宜都太守孟達北攻房陵

太守蒯祺死之

漢昭烈帝章武元年房庸入魏漢後帝建興五年魏誅孟

達於新城

漢後帝延禧六年魏曹芳正始四年分新城郡後置上庸

郡

房縣志

卷六

事紀

八

晉武帝太始元年十二月錫房上庸商人於晉

晉孝武帝太元四年秦遣韋鍾拔魏興太守吉挹死之

九年桓冲遣上庸太守郭寶攻秦魏興新城拔之魏興

太守常嶠家黃雌雞頭生肉角大如棗長寸三分角上

生聚毛長寸半

齊東昏侯永元元年魏興太守王敬賓新死家人被驅不

得留視及還鼠食兩眼俱盡

齊和帝中興元年蘭衍發襄陽留弟偉總府事愴守纍城

魏興太守裴思仁不受行命欲襲襄陽愴偉邀擊於魏

興大破之

梁文帝太寶二年西魏遣大將軍王雄伐魏興改魏興爲岐州

西魏改岐州爲光遷國

北周高祖武帝保定三年廢光遷國爲遷州

隋文帝仁壽四年晉王廣矯殺故太子勇追封房陵王

隋煬帝大業三年改諸州復爲郡梁州領房陵

唐太宗貞觀十二年徙燕王忠爲房州刺史

二十年貶蕭瑀房州刺史四月房州赤雀見

房縣志

卷六

事紀

九

唐高宗麟德二年廣武王承宏坐交非其人貶房州別駕
唐中宗嗣聖元年二月武后廢帝爲盧陵王四月遷房州
三年秋九月虢州人楊初成矯制稱郎將於都市募人
迎盧陵王事覺見殺

十五年正月狄仁傑勸武后召還盧陵王三月己巳后
託言有疾遣職方員外郎徐彥伯迎盧陵王於房州及
其妃諸子還都

神龍元年帝復辟大赦給復房州

唐肅宗至德元年永王璘擁兵據江淮上皇在蜀下詔廢

爲庶人徙置房州

唐文宗太和二年房州刺史楊虔叛辛酉均州刺史張敏
方奏克房州

三年夏大水漢江漲溢壞均房等州居民田舍殆盡
唐僖宗中和四年鹿宴宏掠均房

唐哀帝天佑二年秋梁王欲代唐使人論諸鎮襄州刺史
趙匡凝不可遣楊師厚攻之復唐鄧郢隨均房六州

後晉天福六年以沁州團練使劉嗣徙房州以李彥珣爲

房州刺史

房縣志

卷六

事紀

十

後漢慕容彥超坐濮州受賄事覺法當死帝轉原之流於
房州

宋太祖建隆元年春均房商洛鼠食苗二年閏三月金商
房三州饑賑之

三年遷周後主鄭王宗訓於房州命辛文悅知州事以
保全之

開寶六年三月鄭王殂於房上素服發哀諡曰恭帝命
遷葬慶陵之側

宋太宗太平興國七年秦王廷美降封涪陵公房州安置

以崇化軍副使閻彥進知房州監察御史袁廓通判州事各賜白金三百兩

雍熙元年廷美至房州憂悸成疾而卒追封涪王六月沮水漢江並漲壞民舍人畜死者甚衆

雍熙三年大將曹彬出師征幽州無功上表請解兵權降房州刺史

至道元年房州光化軍饑遣使貸之

宋哲宗元符二年房陵野蠶成繭

南宋高宗建炎四年金馬五取房州三月金遷房州民於

房縣志

卷六

事紀

十一

河北張浚引兵至房州知金軍退乃還以均房隸利州路六月以范之才爲金均房州安撫使七月王闞犯房州守城韋知幾棄城走

紹興五年以金均房隸襄陽

六年以郭浩爲金房開達四州經畧安撫使知房州七月以均房隸京西南路

南宋甯宗慶元五年二月張玘劾起居舍人劉光祖附和僞學詔放房州居住

南宋理宗淳祐二年正月蒙古也可那顏耶律朱奇自京

兆取道於房以趨三川

寶祐六年十二月詔馬光祖向土壁援蜀與蒙古遇戰

於房州

元順帝十二年徐壽輝陷房州

至正十八年命阿因班太子與陝西行省同討均房

明太祖洪武元年改襄陽爲府以房竹上津鄖縣隸之

七年裁竹山併爲房州

八年降房州爲縣

九年詔舉明經房縣李善應舉

房縣志

卷六

事紀

十二

十年設房縣守禦千戶所

十三年復設竹山縣

十六年初歲貢生員

十七年詔各縣舉茂才

明憲宗成化二年荆襄流民劉千斤石和尚李鬍子等叛

營房縣南山老砦

三年命靖虜將軍朱永兵部尚書白圭擒劉千斤誅之

七年春正月都御史項忠討石和尚等平之

十二年都御史原傑奏升襄陽鄖縣爲鄖陽府以房縣

改屬焉

明孝宗宏治五年都御史戴珊奏割房縣東脩文宜陽等鄉置保康縣

明世宗嘉靖十八年房竹羣盜起各聚衆行劫殺竹谿典史張文英勢益猖獗都御史王以旂遣都指揮李實鄖陽府同知張直白濬擒斬之

明神宗萬曆二十一年大饑民自相劫奪邑令張希良於東尹公祠西黃孝子祠施粥賑之

三十五年大水入西城

房縣志

卷六

事紀

十三

明懷宗崇禎五年夏五月地震八月大風拔木

七年流寇老獬紫金梁等攻陷房城知縣黃從貴死之焚戮一空二月拔營東去五月監府孫總鎮鄧紀副將楊春芳等率師援勦留守備張星炫領兵五百戍房九年流寇五虎寇房遊擊張星明領兵戍守金城西僻一帶屠掠殆盡十月滇帥龍討平之師還乏糧幾譁貢生吳廷訓捐米百石始定分守道給匾曰尙義安攘以旌之

十年七月縣西惠感寺大泥佛胸面手足汗出如珠入

月大水

十一年城內火延燒百餘家十月提督太和府監李撫
治鄖陽都御史陳良訓分守道周題請招撫流寇羅汝
才黑雲龍白貴等於房

十二年流寇張獻忠自穀城入房羅汝才等叛與合五
月十三日攻陷房城縣令郝景春王簿朱邦聞訓道李
宗裘戍將楊道選皆死之平城搜山凡兩月焚戮靡遺
七月二十五日聞王師至始西去平賊將軍左良玉追
至羅喉山人賊伏中全軍盡破

房縣志

卷六

事紀

十四

十四年都御史王鰲永請復房城發帑金四千兩敕均
鄭營副將李成章督兵脩築工未竣調回房兵無屯所
官民皆居砦寇盜出沒歲無宵日

國朝

順治元年鄖左騎營部將王斌據老砦招兵數千自稱明
帥鄖鎮王光恩討平之

三年都御史潘士良與王光恩以爭禮微嫌密疏題叅
詔械繫光恩入京其弟光興光泰以衆叛殺鄖鎮楊及
兩日夜至鄖守道劉開文知府董有聲縣令趙丕承同

知劉璇推官孫振揚都司袁捷皆遇害僞授鄖庠生李
好生署房縣事七月命提督孫帥師討王光泰等全軍
覆歿十月禁放大人哈哈木率師討光泰等追至房戰
於治西大壩山大破之光泰等奔蜀十一月班師
五年都御史趙兆麟委部將羅一能募兵六百戍房立
鎮房營權扎治西羊角砦

六年命叅將高士清守備崔士仁等督兵戍房十一月
賊姚黃等寇房乘夜劫營高士清率兵拒戰黎明賊敗
遣部將官永正追擊斬俘甚衆

房縣志

卷六

事紀

五

七年叅將高士清以營地不利申請都御史趙兆麟移
營治東北擂鼓臺六月劉二虎夜破羊角砦縣令李成
鑛死之高士清遣官永正追至土地壩奪成鑛弟孫僕
四人縣印等物並被擄男婦歸

八年大風飄屋拔樹

九年劉二虎復寇房高士清率官永正等擊敗之十月
郝永忠劉體純袁宗第搭天保等寇房趙兆麟調高士
清守鄖委房於賊砦洞俱破死亡無算賊遂據房西水
出坪爲巢

十年二月郝賊掠武當山高士清遣將薛宗臣邀擊俘
五人獲馬四匹賊攻擂鼓臺兵民堅守三月不克賊去
戍兵歸鄖僅遺民數十家守之至次年糧盡始出奔漢
北

康熙元年楚蜀督臣請討郝永忠等賊

敕發秦豫楚蜀官兵十萬以秦楚蜀提督分領會勦餉夫二
十萬以豫楚藩臬府州縣官督理轉輸

二年春正月秦提督王一正統秦豫諸師自竹山人房
前鋒興安鎮于奮起河北鎮鮑敬與賊戰於陳家舖及

房縣志

卷六

事紀

十六

赤土坡大破之賊率餘黨宵遁諸鎮凡二十六營駐治
西茅坪復遣輕騎追至鄧川峪又敗之至上龕賊去遠
乃還賊據房凡十二年生靈塗炭聞者痛心三月賊謀
焚磬口糧潛至羊子山提督王一正發兵搜捕斬其巨
逆帥白良甫等餘衆盡殄都御史王來帥守道郎永清
入房犒師十二月定南將軍圖海率禁旅抵房督秦豫
諸師入蜀會勦

三年正月俘郝永忠等斬之劉體純自經死滿漢官兵
二十萬圍李來亭於興山茅麓山周百餘里城柵三匝

至八月賊內潰官兵乘勢攻入來亨自焚死賊衆盡殲
楚蜀悉平九月王一正領諸鎮班師先是賊據房民盡
避漢北其從賊內招撫出者又驚懼復逃去縣令傅公
多方招撫間有歸業者

四年

敕鄖協守均房營副總兵佟透督兵一千五百戍房房令傅
六吉委尉高標親巡漢北諸地溫諭督促通播漸歸
五年民歸者十之三官有胥吏城有市肆野有廬舍田
乃漸墾

房縣志

卷六

事紀

七

七年六月大水壞民田廬秋霖雨稻不熟
八年五月大水無麥秋蟲食稻幾盡
十二年冬吳三桂叛檄委房令田蒸髦典史高標料理
荊州糧餉

十三年春襄鎮總兵楊來嘉鄖協洪福竹山副將謝泗
乘吳逆之亂率閩兵據鄖城叛兵民冒雨巷戰敗之遁
八房據羊角砦

十六年夏麥秀兩歧有至四歧五歧者
十七年春王師振旅均鄖官兵會勦守備張國斌等復

房縣楊來嘉等遯入蜀是時風鶴頻驚民逃均鄖襄穀
等地更遭瘟疫死者無算秋七月房令雷化龍招之復
業

十九年民歸者十之六七夏麥生蟲

二十年秋蟲食稻穗民入山采蕨根爲食

二十六年秋大熟邑令沈用將招撫逃民始皆歸業

二十八年奉

旨建常平倉沈用將遵例儲穀八千石

二十九年夏四月大風拔木五月招墾軍屯

房縣志

卷六

事紀

六

三十年冬酷寒河冰堅竹木凍死

三十一年春三月大雪四五月瘟疫大行邑令沈用將

施藥全活甚衆是年陝西飢民逃入房者百餘家

三十四年春二月雷電雨雪夏五月霪雨傷麥秋大熟

三十六年大熟

三十七年六月旱秋八月霪雨饑人牛俱瘟

三十八年三月旱夏隕霜秋雨雪年饑人牛瘟更甚

三十九年春三月熱旱後得雨反寒瘟疫流行

四十年秋八月九月霪雨損稼

四十一年春雷雨雪大寒人畜災撥房營兵百名往征
獠人

四十二年冬征叛苗撥房營馬步兵二百人至次年代
歸

四十四年苗民効順調房兵百人戍守鎮筸乾州

四十五年夏旱秋澇蟲食稻盡瘟疫大行居民采蕨而
食錢糧蠲免

四十六年蟲荒疫死甚衆

四十九年痘疹大作夭殤千餘口

房縣志

卷六

事紀

九

六十年夏大旱河水絕流五穀苗槁邑民俱採蕨根食
之

雍正元年癸卯大水自西門入城平地水深數尺衝沒民
舍田地旬日方消傷人亦多是歲大饑瘟疫流行

三年春大旱

四年五穀豐收

七年五穀不實

九年夏麥不熟秋成半收

十三年夏秋霪雨五穀不熟

乾隆七年地大震壞民牆屋

十七年大旱夏六月夜半有星大如月尾長數丈光燄
飛騰噴薄有聲自東北隕於西南天地通明經一時許
鷄犬林鳥皆驚秋饑

二十六年辛巳

恩科房始舉進士汪世椿冬十二月二十七日虎入西關嚙
殺市民李鬍子遂登惠感寺山門啣其鷄吻行街房數
十家市肆盡閉營兵以銃斃之

四十年旱斗米錢八百文

房縣志

卷六

事紀

二十

四十三年五月雨雪平地積四五寸山中有大如碗方
如磚者劈樹穿屋傷人畜無算苗稼皆平秋大饑無蔬
可采取竹米灰菜子金剛藤觀音土合蕎稭榆皮屑食
之

四十四年春饑民欲行劫邑令張啟嚴治之乃止秋熟
高唐河民許文思妻柯氏孿生三子貧不能舉署邑令
李龍濤資給之

四十八年夏鹿入巖官六七月不雨

五十年大旱河流皆斷有數里汲水不得者流民屯集

餓殍相望僧普澄捐貲人給蒸餅二枚死者以席瘞之
五十一年春三月大雪夏五月麥大熟有三歧四歧者
秋霖雨傷稼閏七月十五日蝗自穀城來遮天蔽野所
過成空自八月十七日大雨至二十八日晴蝗皆依草
附木死而禾皆生耳房自古無蝗患至是始見

五十二年春二月遺蟪大起數倍於前食麥苗幾盡知
縣常照募民嚴捕之五月十四五夜蝗起蔽空向東飛
去民復耕稼秋大熟

五十五年夏秋間牛瘟損十之六七

五十六年五月十五日大雨水沖沒田廬溺死人無算
五十七年六月陰雨連綿至九月止晴後大寒秋稼無
成歲饑

五十九年秋淋寒甚竹花結米山民采食之

六十年夏麥不熟奸民韓仕孝白三兒以白蓮教倡亂
冷盤堦知縣仇必達往捕之

嘉慶元年朔日蝕

節錄貢生鄒正榮守城紀畧

年前教匪倡亂白布製旗巾編號聚眾官遣差查孝愛

賄不報正月地保紳耆稟報請官團練民勇官諭民於
城垣就近者各認垛口守望暗作準備二月十六鄉民
避亂八城官派首士各領兵勇四城分守知縣魏相臣
千總羅陞典史賈玩理統丁役營兵分扎城隅時兵只
百餘火鎗軍器存者無幾礮亦四五尊而已乃截竹爲
鎗屑木爲棒令婦孺運石城垛下三步置一堆并作火
毬灰包備用十九日午遙望西南白巾白幟長鎗短戟
蜂擁而來須臾前隊及東關城上然礮擊斃多賊賊退
其自西南來者伏地念咒城上然礮鎗無聲識者議以

穢物厭之收婦人褻布黑犬血塗鎗礮孕婦張氏等衣
紅從上跨之當即點放轟鳴如故泉水灣賊豎大旗一
面張伏拜數起俄頃大風吹仆小幟亦落地縣重賞之
次日賊合圍犯城喊聲動地我兵鎗攻石擊灰包火毬
紛擲賊傷死者皆捨負而去越日賊衆麇集負門板頂
稻草擁至刑書何文德指點賊踪鎗傷左目民勇傅璋
憤甚登埤謾罵亦被鎗亡賊薄城我兵以巨石擲負板
板裂賊仆以火毬燒其頂草草灼賊斃敗去數日無耗
或曰此必有計登高瞭望見雲梯七八乘排列林間少

頃賊至後隊烏鎗齊發其梯已搭上城墜客民宗芝芳奮臂直前拾大磨半扇撻下梯斷連投巨石殲賊無數餘遁去二十四日賊於西郭武廟放火烈焰冲天兵民堅立不退以沸湯潑之賊被淋以釜覆首投以石乃遁火起時兵民皆迴面驚望典史賈恐賊自東面越城暗中伺之果見數賊攀援而上及琛一役持短刀砍賊手跌斃餘賊斂去三鼓時縣役任貴與賊通乘吃緊時爬至縣署三堂屋上呼縣母索印縣母喚人無一應者懼不免乃偕二女投繯殉節厨役報知魏令令命刑書鄔

凌閣率壯丁緝拿任貴梟首十字街同時有鄧姓者在鼓樓撞鐘惑衆亦梟首懸之舉城鼎沸訖傳賊已入城婦女自縊殉難者不一自後越三五日攻圍稍緩天寒雪凍守者晝夜不懈而柴米將匱賈尉深以為憂請令開倉賑民縣王以未稟上司不敢擅便為辭賈死爭之願以身任其罪乃開倉散米人日一升有家者按口給發民固守無懈三月初一日西城下有丐者呼守者繫之上裂敝履出一函呈云西鄉某集練勇數萬淮初二日赴城援縣不深信暫押營所給其食生員曹育萬

一 誣在禁亦稟請願同弟曹育環赴北鄉首士陳輔光營
求援許之夜縋而出戶書解維經團練鄉勇統帶赴城
守禦解率衆鳴鈺晝夜巡警目俱腫赤至初四日西鄉
首士廩生汪有燕武生邢交善文生何光泗劉德紳陳
善望等率勇至七里河與賊戰大捷初七日北鄉廩生
陳輔光文生許扶坤等統帶多勇赴城會同兵勇丁役
齊至城下三面攻剿賊大潰屍盈野餘賊逃去圍解縣
至、詳四鄉首領各功奏請獎叙陣亡者俱詳請獎卹
其軍民出力者皆給頂戴刊碑列名於鼓樓之四隅知

縣魏相臣奉

旨以知府用賞戴花翎初十日與安鎮文圖率兵二千克
復竹山於是日至房札營西南十三日西安將軍恒瑞
統兵至次日撥選邑之鄉勇數千派汪有燕邢交善莊
士彥謝鳳詔何光泗陳輔光許扶坤曹輔國等分領之
隨同恒文二帥收復保康賊逃南漳去復率兵追之
二年首逆張漢潮等聚匪萬餘由興保闖入房南三座
菴汪有燕何光泗邢交善等總統二十一營鄉兵萬餘
七月二十扎營下店盤峪不料賊白犁鏵溝突出衝破

數營殺傷甚衆首領文生咎安世武生程鵬搏繩金重
俱陣亡有燕爲光泗鄉兵救出是夜賊焚下店街軍馬
舖等處二十一日焚陳家舖化龍堰馬尾秦口獐洛河
等處火烟冲霄直至二竹二十四日光泗勇探知有賊
千餘在百家坪料必出盤峪先率本營鄉勇伏鷄冠石
山峯賊果前行下山勇自後逐之銃打鎗刺斃賊二百
餘獲賊馬匹火藥刀鎗衣物悉賞衆勇九月初一日首
逆羅半年徐天德李恕李貴姚之富齊二寡婦等糾匪
萬餘自川陝豫亂及襄穀均卽旋至房大木廠有燕統

房縣志

卷六

事紀

二十五

鄉勇十三營屯小羊山堵禦賊登山攻三次不克入抵
暮衆勇返汪家河惟光泗營屯上址北是夜羣賊潛登
山嶺竄下堤坪舖初三辰光泗領本勇伏鳳沉壩山峯
視賊行將盡齊蹕下尾追賊數十里擒獲二賊三馬是
日文生劉德紳楊...二百往大羊山堵
禦遇賊傷勇數十是夜賊...
接十餘里初四上達河首領咎安俊子榮魁率勇堵禦
漫子山口賊先自口外兩山暗踰殺勇數十安俊父子
陷於圍仍手誅數十賊力竭死之賊據上達河三日搜

山焚戮擾及秦口東河官渡等地初六日將軍明發
滿漢兵臨汪家河駐軍三日起營追賊去

三年正月川賊首林之華劉成棟等率匪萬餘竄據
巴興山城鄖陽知府王正常扎委何光泗總統房西南
鄉勇防堵泗奉委傳齊首領三十營揀選壯丁二千名
扎興房交界烟墩垭糾兵脩卡築土堡營房備礮木鎗
炮三月初四日賊至撲卡鄉勇以礮木撻退初五日攻
如故仍礮撻敗初六日賊奮踴登山木礮齊發斃賊數
百鄉勇鼓勇下山鎗礮齊發戈矛並進追二十里殲斃

無數賊懼是夜遁南漳泗以勇三千而敗萬賊非恃地
利人和不能也時協鎮升往雲貴提督適至房府縣謁
見時舉何光泗奮勇勦賊屢有戰功稟聞文憲題奏奉
旨何光泗賞給五品頂戴泗又具稟知縣秦錫疇首領三
十人如張君召等俱詳請七品八品獎叙是年賊首張
漢潮高君德顧二聘楊開甲姚之富齊二寡婦等由陝
豫亂及襄安約林之華等竄上穀均五月初賊二萬餘
竄房西北南三方大肆擄掠六月初將軍明亮等率兵
逐之賊奔一竹是年大饑山麥不熟秋霖雨寒甚五穀

不實山民餓孳將半

四年春賊自川陝竄及二竹七月涉官渡賊首徐天德徐明德李恕李貴李朝李長龔奇范興起王廷柱張廷柱張克成邱寡婦等率匪二萬餘竄房西南十五夕賊抵城南焚沿觀堰戢家塋數家殺數人城內勇禦之賊下宜陽灣馬欄塘十六日賊焚小西關百餘戶殺良民數十焚大西關三百餘戶殺人數十竹山武生黃輔國率竹山勇逐進南山房西南東鄉及興保六百餘里無不蹂躪八月總督倭什布遣將德楞泰孫清源孫

房縣志

卷六

事紀

二十七

孝全馬禹黃輔國等統兵萬餘沿山會勦九月賊過官渡奔二竹

五年正月賊自川陝二竹及房西會逆首羅半年范人貴范人傑張桂等率匪萬餘亂西北東鄉二月二股賊由二竹竄房西鄉逆首李恕李貫葛文楚糾匪萬餘竄掠西北東鄉三起賊首徐天德徐明德陳天佑等領匪萬餘由二竹竄房三月至西南東等山探馬至西門河四起賊首苟文明魏文通狄大王張四元帥等糾匪萬餘由川陝竄房西北東鄉四月八日賊探馬至北關外

高規十二日倭總督兵臨令孫清源明亮恒瑞德楞泰王文雄等統帶武員百餘大兵數萬戰勦賊奔南漳離縣境六七月倭督德侯朱協鎮長將軍等由歸州勦賊八月初逐賊至興保房南九月下旬孫清源明亮二軍接勦追過官渡河十二月川內賊匪涉官渡竄紅坪鐵峪上龕三河諸處首逆嚴真高等竄及高塘河前署知縣金克俊押運軍糧抵秦口遇賊被害賊搶糧竄竹山又一股賊亂及魏陳埽馬湖嶺得孫清源朱射斗等追至竹山餘匪竄西南隅

房縣志

卷六

事紀

三十八

六年正月賊首和大王狄千歲等擾亂房西東南二百里地總督書中堂麟遣將海興阿達允阿等統兵逐竹山去竹山另股賊匪竄入房掠大水廠首逆徐天德徐明德李貴等擾西北東數百里三月長將軍德侯孫總鎮等追之賊奔興保明亮恒瑞等駐竹山辦賊一股遁房楊父河逆首嚴真高郭文楚胡明遠等大亂西南東數百里書中堂遣明亮恒瑞追至洛陽河陰條嶺兵退賊復轉長齡德楞泰孫清源等復追至興山茅麓山勦賊數百賊遁房南四月兵臨道士埡傷賊千餘賊夜逃

尾追至馬家溝誅數百初八日長將軍等大軍至獅子
岩駐行營初九日書中堂疾革是宵薨初十日德侯等
復追賊至官渡銃斃多賊溺水死者二千餘賊奔二竹
明亮恒瑞等追南鄉賊由北河口奔二竹五月巡撫全
保江西九江鎮樊雄楚臨房城旋領兵赴竹山十九日
總督吳熊光臨房城四川提督七十五自川陝來統兵
萬餘收降賊二千餘於六月抵房馳赴房南會孫總鎮
等兵設計沿山夾攻月杪賊奔九道梁七月竄至川境
七提督大兵追剿千餘孫總鎮追賊賊敗轉閬王寺刻

日追下興保界殲賊千餘八月餘賊自房西竄北孫清
源等兵追之將軍長齡統兵萬餘由竹臨房北高槐追
剿北方九月賊自苦水河出揚父河得姬協鎮率兵往
捕逐遁二竹竄興安又賊二股自西南一竄秦口一竄
東河亂及獐洛河竄鐵峪紅坪得孫清源逐遁北河口
又川賊萬餘冲破陰條嶺卡殺傷守卡兵將火焚木城
大亂陰峪洛陽諸河無兵往捕其竄獐洛河賊竄及秦
口長峪得撫標兵自竹來房城逐敗長峪河賊遁官渡
去撫標兵屯房城賊竄牛皮壩及界山塘總鎮孫孝全

兵自竹來房逐界山賊敗奔升河孫鎮率兵追勦又一
股賊踞闕王寺被孫清源兵追竄興山十月賊亂吳家
菴松香坪八卦廟長將軍孫鎮軍分兵逐之奔興山又
股賊竄宋家拐袁杜坪冷盤壩亦合兵逐奔興山十一
月有遊擊某及探花王叅將堯三營兵同扎上龕一碗
泉地賊伏湖溪荒山中初七夜突出劫營遊擊叅將王
探花死之全軍覆歿又大股川賊反出洛陽陰峪大亂
連福坪擾鐵峪紅坪俱無兵往逐時二竹賊亂將軍長
統兵赴房南遇賊於八卦廟戰獲勝報捷奉

旨升補湖北將軍十二月賊竄宋洛河鐵峪河殺擄及東
西蒿坪麻灣舉廠搶掠俱無兵將捕逐二十八日孫鎮
軍臨官渡得難民報知賊聚北河口過年有上達河監
生咎榮顯化龍堰武生邢交善施南團長麻光玉等同
請孫鎮軍令往捕二十九日下午各領鄉勇夜行七十
餘程劫賊營誅幾絕

七年正月鐵峪紅坪上龕紫竹天門壩紅花朶野猪坪
瓦窰嶺白玉坪茅莊頭五臺山揚父河俱有流賊攻峒
寨總督吳熊光駐房城調將軍長鎮軍孫各領兵往捕

賊俱遠遁興山東湖川寇首逆苟文聰文明文俊等率
匪竄袁村坪燕麥嶺東蒿坪長率兵追入長方河竄興
山復尾追撫院全保總鎮孫孝全德協鎮王狀元等自
興山逐賊至東湖烏毒河中賊伏官軍大敗盡棄營物
全保移兵回駐房城二月首逆王四猫子率匪自保康
至馬欄塘竄房長兵尾追過青峯至東浪二十二日與
賊戰敗績協鎮遊擊叅將俱陣亡傷馬步兵百餘捨營
馬三十餘匹長兵回房賊勢益猖獗二十五日擾及
大木廠化口殺人數百賊向官渡竄去孫清源逐賊於
興山又尾追至穀城盛家龕賊奔均州大兵直追賊渡
黃龍灘孫清源撤兵上官渡勦賊三月孫清源軍扎官
渡探有流匪擾亂褚河十二日大兵夜劫賊營大戮之
賊亡衆脫無幾七月太白晝現

八年總督吳熊光分遣副將蔣觀濤樊雄楚赴西南山
設卡防禦賊南竄山谷入老林或三百五百向夜突出
傷民或擄人爲質索米肉衣履贖放聞兵至便匿深箬
無從跟尋遂報賊盡及撤卡賊仍出擾民紛紛稟報督
轅熊制軍嚴飭樊蔣限一月報捷因覓士人作線分兵

搜捕殆盡

九年全楚肅清吳制軍凱撤回省垣覆奏告底定焉文

武各官升有差

先是安徽奸民劉之協來楚煽誘諸人夥口授過願咒語按貧富出根基銀

多少有差又按季出升丹銀多少不等交教首收用赤貧者教首亦周濟之習人者升為小首每夕聚首家誦經功果足者或赴上界或成大羅仙次者來生大富大貴等語惑之經首有八大金剛將四大杰地神云云

十年麥半收流民初復業山地荒蕪多未治游勇三五

成羣擾民縣官嚴飭保甲緝獲重懲之害稍息

十二年春沉寒麥歉收秧低田熟山地差減

十四年西門水漲發冲塌西北城角並冲西關街十數

房縣志

卷六

事紀

三十一

家堤防毀盡

十五年四月初大雪折樹

十六年大旱傷禾無收歲大饑

十七年六月大水螟害稼

十八年夏旱四十八日秋雨四十八日大饑

十九年春斗米錢千二百餓殍無算榆皮食盡食觀音

土野菜根

二十年冬月地震

二十二年七月二十一日二卯岡烈風雨雹禾稼入泥

者周圍數里大木多拔廟宇民房坍塌者十數家

二十四年四月朔日蝕

道光四年大旱六月初一日蝕

七年清明前一日酉刻彗星如盤自東徂西飛騰有聲
五月初十日西鄉汪家河大水出蛟腥臭多日澗阿泛
溢沖沒田廬無算西河水進西門

十一年北鄉大水壞民房田地無算西鄉同

十二年自夏及冬霪雨害稼四山無收麥不下種

十三年春斗米錢千八百餘民相食

房縣志

卷六

事紀

三十三

十四年春斗米錢千四百至麥熟價漸減秋大熟斗米
錢百八十文自十二年起民間所用俱魚眼鶩眼小錢
至本年五月始汰冬聞雷

十五年大旱平疇減收山地大收五月唐溪溝雷擊大
岩石崩遍地白皮寸許厚融如綿潔白無間色

二十年春彗星見西南方五月初六日訛傳寇至並無
影形居民逃難鄉城俱驚惶逃難後聞下及襄屬上至
川陝十數縣同時皆然

二十二年竹開花死接後七八年各處竹子皆然

盤踞至康熙十七年始行招安嘉慶初教匪亂房城雖未失勞師糜餉八載始定從未有如今日征勦紅巾賊匪之速且暢者也六年冬月襄光均穀倡亂之逆匪齊集房界前任金縣帶勇往堵至北鄉東浪遇賊隨會圍勇齊集堵禦殺數人搶馬二騎嗣賊數萬麇集沿山寨野齊犯房城城緣被水冲塌三處無可登陴守望金縣潛往南山一帶諭各團齊勇撲勦臘月初賊匪陷房一股上抵竹山下抵保康幸常道憲帶兵尾追初九日至房北鄉之白窩駐紮初十日逆匪齊集團大營時邑紳

勇已咸集大營左右是以鎗炮一施賊已披靡十一日賊又往窺大營經官兵奮勇於中紳勇協勦於後賊勢窮促無計回竄放火焚燬文武衙署倉庫城鄉民房灰燼數千家拔隊往竄由化龍堰上達河上竹山常道憲令房勇隨兵往追至亂石窖賊由上達河回迎幸官兵馬隊衝殺數十賊圍得解常統領舒副都統兵紮下店子茅坪德叅軍兵紮七里河常憲諭紳士劉元棟等勸捐米石隨營運餉十三日大兵齊進追至竹山賊前隊已破竹山二十五六日賊由竹山轉竄房南由西而東

下竄保康德叅軍尾追其後常道憲偵實情形撤兵於七年正月初八仍出房城大道東往駐紮房保交界之寺坪防賊下竄飭諭金縣集本地熟悉地利之紳勇分途齊勦委前任九道梁巡檢包福佳帶勇往王家河等處設水陸各卡以扼其要復委王捕廳樹德帶勇往五池三座菴等處以遏其衝金縣帶紳勇追勦有就近逢賊圍撲者有力追大隊殺賊者除殺賊數名數十名之地不計外如松香坪盤水河金斗等地或一仗殺斃數百或一日勦滅千餘尤爲昭著十二三四日賊由南河竄

紅廠南鄉團勇率衆四路來堵蟲蟻埡途遇交鋒斬獲多人賊敗走十六日各鄉團勇齊集追至金斗坪常道憲率兵堵於前德叅軍領兵追於後殺賊千餘名賊情急投誠收降二千餘名僅穀城張瞎子帶賊千餘名襄陽高二先帶潰散續集之賊七百餘名改裝宵遁高賊由南山小河殺我守卡勇首生員張耿華車世聰勇民劉元忠等三十餘人繞城南徑過被守城紳勇追殺十餘名我勇亦傷數十張賊竄往興山襍川賊沿途裹脅歷遠安荆門至南漳等處查金斗坪投誠之賊他處人

居多房人被脅朝裏夕出廿爲賊役者亦屬寥寥三月
杪復有賊四五百名自穀均復竄房北吊橋金王領勇
千餘抵北鄉龍坪被雨濕盡火藥彼此均傷數十人賊
奔竹山倒流水四月又回竄房北大木廠西鄉羊峪口
茅坪下店子盤浴河等處鄉勇數千協同大木廠一帶
鄉勇堵殺出界鄭縣亦親帶紳勇出界防堵房始得安
其間逾十數月之久或團練防堵或奮力打仗或設卡
以截賊之首或後追以勦賊之尾或捐米以助軍需或
運糧以濟勇餉効力者約數萬人死難者何止千名當

將各項勞績具稟道憲蒙批辦理團練捐製軍器帶勇
殺賊保衛地方足見深明大義殊堪嘉尚候飭地方官
查明勞績分別請獎可也事後緣縣王金已卸篆接任
鄭主未得猝辨其在事出力紳民未免向隅而勲勞自
不可沒因附錄之

八年春蝗生不數日而盡九月雙虹現如弓背相對時
西南有三日一明兩暗相離丈許

十年春蝗生月餘忽有山麻雀無數啄之蝗乃盡六月
十三日大風拔樹雨雹傷禾無害

十一年五月朔日蝕白虹晝現

同治元年七月彗星現西北隅半月隱伏城南華嚴寺境
蝗生十數日寺僧誦經禳之而歿九月杪長髮賊突由
鄭窺房十月十七日遊擊田德明上龕守備曾明達干
總孟暄領兵一百名往北鄉分水嶺堵禦戰潰傷兵係
永安朱廷樟等二十餘名賊于二十一日迫入城內三
關東南北三鄉各盤踞十餘里大肆蹂躪殺擄無算約
有十萬之衆四鄉集團以備攻勦賊偵知於二十四日
夜拔營上窺竹山我兵勇六百餘名在東川堡戰失利

房縣志

卷六

事紀

三六

傷上龕汎兵十餘名及勇首皆心誠勇丁馬定勇等三
十餘名十一月朔日蝕

二年十月十一日夜三更有紅星大如斗由西南飛至
東北後有小星無數隨之忽有霹靂聲從空一震山雉
皆鳴俗云天鼓響

三年四月朔日蝕東鄉雨雹七八十里傷麥滅收擊死
牛二五月狂風折木雨雹十四日城南甘霞有小河出
蛟風雨驟至二更時水勢陡漲沖塌房屋禾苗無數是
夜河下吼聲大震有二紅燈順流而下次日天明見數

處山崩地裂

四年正月聞雷五月雨雹自均州起由房東北鄉至西鄉抵竹山數百里傷禾無算六七月鵲死成堆九月重陽雪十月桃花桐花開芽芽生

五年正月雷

又四年六月初七初八日大雨起蛟一由汪家河一東溝一羊子山蛟五条由西鄉汎濫冲淤田地無算出緒藏洞河一由橫水出竹山一由化峪河出化口入漢江